



Халқ сўзи

Ўзбекистон –
келажаги
буюк
давлат

2023 йил — ИНСОНГА ЭЪТИБОР ВА СИФАТЛИ ТАЪЛИМ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2023 йил 1 декабрь, № 256 (8599)

Жума

Сайтимизга ўтиш учун QR-кодни телефонингиз орқали сканер қилинг.



ЎЗБЕКИСТОН ПРЕЗИДЕНТИНИНГ БИРЛАШГАН АРАБ АМИРЛИКЛАРИГА ТАШРИФИ БОШЛАНДИ

Ўзбекистон Республикаси Президенти Шавкат Мирзиёев Бирлашган Араб Амирликлари Президенти Шайх Муҳаммад бин Зоид Ол Наҳаённинг таклифига биноан 30 ноябрь куни амалий ташриф билан Дубай шахрига келди.

Аэропортда олий мартабали меҳмонни БАА энергетика ва инфратузилма вазири Сухайл ал-Мазруий кутиб олди.

1 декабрь куни давлатимиз раҳбари БМТнинг Иқлим ўзгаришлари бўйича конференциясида

иштирок этади ҳамда ушбу глобал саммит ялпи сессиясида нутқ сўзлайди.

Тадбир кун тартибидан БМТнинг Иқлим ўзгариши тўғрисидаги ҳадли конвенцияси асосий қоидаларини амалга ошириш, бугунги экологик таҳдид ва хатарларга қарши курашиш, “яшил” тараққиёт мақсад ва вазифаларини илгари суришда кенг ҳамкорлик масалалари ўрин олган.

Ў.А.

ЎЗБЕКИСТОН САЙЁРАМИЗНИ АСРАБ-АВАЙЛАШ, КЕЛАЖАК АВЛОДЛАРГА ТАЛАФОТЛАРСИЗ ЕТКАЗИШ ТАРАФДОРИ

Ўзбекистон Президенти Шавкат Мирзиёев жорий йилнинг 30 ноябрь — 2 декабрь кунлари Бирлашган Араб Амирликларининг Дубай шахрида бўлиб ўтадиган БМТнинг Иқлим ўзгариши тўғрисидаги ҳадли конвенцияси иштирокчиларининг 28-конференцияси (COP 28) доирасидаги Иқлим ўзгаришларига қарши курашиш соҳасидаги ҳаракатлар бўйича жаҳон саммитида иштирок этади.

Биз ва жаҳон

Ушбу тадбирдан кўзланган мақсад глобал иқлим ўзгариши, унинг оқибатларига қарши курашиш, Париж келишуви қабул қилингандан кейин эришилган ютуқларни баҳолаш ва сарҳисоб этиш масалаларини муҳокама қилишдан иборат.

Саммит дастуридан давлат ва ҳукумат раҳбарлари учун юқори даражадаги учрашувлар, озиқ-овқат, энергетика, ёшлар ва таълим, соғлиқни сақлаш, атроф-муҳит, сув, иқлимни молиялаштириш ва “COP 28”ни амалга оширишга бағишланган тадбирлар ҳамда давра суҳбатлари ўрин олган.

Анжуманда 150 дан ортиқ мамлакатлардан давлат, ҳукумат раҳбарлари ва вазирлар даражасидаги делегациялар, халқаро тузилмалар, нодавлат нотижорат ташкилотлари, экспертлар, илмий ва жамоат

доиралари вакиллари иштирок этиши режалаштирилган.

Таъкидлаш жоизки, БМТнинг Иқлим ўзгариши тўғрисидаги ҳадли конвенцияси 1992 йилда қабул қилинган бўлиб, у дунёнинг деярли барча давлатларини қамраб олган. Киото протоколи ва Париж келишуви БМТнинг Иқлим ўзгариши тўғрисидаги ҳадли конвенцияси асослари ва ривожланиши бўйича қабул қилинган ҳужжатлардир.

Ўзбекистон 1993 йил 20 июнда БМТнинг Иқлим ўзгариши тўғрисидаги ҳадли конвенциясига қўшилган, 1999 йилда Киото протоколининг ратификация қилган. 2017 йилда Париж битимини имзолаш орқали Ўзбекистон қатор мажбурятларни, жумладан, 2030 йилгача ялпи ички маҳсулот бирлигига “иссиқхона газлари” эмиссиясини 2010 йилги даражадан 35 фо-

изга камайтириш бўйича асосий мажбуриятларни ўз зиммасига олди.

БМТ ҳадли конвенциясининг иштирокчиси сифатида Ўзбекистон иқлим бўйича мунтазам ҳисоботларни тайёрлайди ва Конвенция қотибиятига тақдим этади. Шунингдек, миллий маъруза, икки йиллик ҳисоботлар, мослашиш режалари, миллий миқёсда белгиланган бадалларни ишлаб чиқади ва янгилайди.

Айни пайтда иқлим ўзгариши бўйича Ўзбекистоннинг сўнгги беш йилда иқлим ўзгаришига қарши кураш борасидаги фаолиятини акс эттирувчи Тўртинчи миллий маърузасини тайёрлаш ишлари якунланмоқда.

Бугунги кунда дунё иқлим ўзгариши, биологик хилмаҳилликнинг йўқолиши ва сайёрамизнинг флорасини оқибатларига дуч келаятган. Марказий Осиё минтақаси эса глобал ишчи оқибатларини тобора кўпроқ ҳис қилаётган бир пайтда Ўзбекистон атроф-муҳит, қишлоқ ва сув ҳўжаллиги соҳасидаги сиёсатини тубдан қайта қўриб чиқди.

Хусусан, Ўзбекистонда экологик муаммоларни ҳал этиш, биохилмаҳилликни сақлаш ва БМТнинг Барқарор ривожланиш мақсадларига

эришиш бўйича қатор концептуал ҳужжатлар тасдиқланди. 2019 — 2030 йиллар даврида Ўзбекистон Республикасининг “яшил” иқтисодиётга ўтиш стратегияси, 2030 йилгача бўлган даврда Ўзбекистон Республикасининг Атроф-муҳитни муҳофаза қилиш концепцияси, 2019 — 2028 йиллар даврида Ўзбекистон Республикасида қаттиқ маиший чиқиндилар билан боғлиқ ишларни амалга ошириш стратегияси, 2019 — 2028 йиллар даврида Ўзбекистон Республикасида биологик хилмаҳилликни сақлаш стратегияси шулар жумласидандир. Умуман олганда, республикада табиатни ва атроф-муҳитни муҳофаза қилиш соҳасидаги 40 дан ортиқ қонунларни ўз ичига олган мустаҳкам норматив-ҳуқуқий база яратилган.

Орол денгизининг қуриши натижасида юзага келган иқлимий ва ижтимоий-иқтисодий муаммолар кучайишининг олдини олиш мақсадида Оролбўйида 1,8 миллион гектар майдонга чўл ўсимликлари уруғлари ва қўчатлари экилмоқда. 2030 йилгача ушбу ҳудудда 2,3 миллион гектар майдонни қўқаламзорлаштириш режалаштирилган.



Ҳамкорлик

МУНОСАБАТЛАРИМИЗНИНГ БУГУНГИ ҲОЛАТИ ВА ИСТИҚБОЛЛАРИ МУҲОКАМА ҚИЛИНДИ

Олий Мажлис Сенати Раиси Танзила Норбоева Барқарор ривожланиш мақсадларини амалга оширишда парламентларо ҳамкорлик бўйича II глобал форум доирасида Беларусь Миллий Мажлиси Республика Кенгаши раиси ўринбосари Валерий Бельский билан учрашув ўтказди.

Унда Ўзбекистон ва Беларусь муносабатларининг бугунги ҳолати ҳамда истиқболлари, хусусан, парламентларо ҳамкорликни мустаҳкамлаш, ҳудудлар ўртасидаги алоқаларни ривожлантириш масалалари муҳокама қилинди.

Мамлакатларимиз бизнес доиралари, айниқса, ишби-

лармон хотин-қизлар ўртасида бугун ўзаро манфаатли лойиҳалар амалга ошириляётгани, бунда тадбиркор аёллар бизнес форуми савдо-иқтисодий алоқаларни мустаҳкамлаш бўйича янги тақлифларни муҳокама қилиш ва ишлаб чиқиш учун самарали майдонга айланиши алоҳида таъкидланди.

Ўз навбатида, олий даражада эришилган иқтисодиёт, савдо ва саноат соҳаларидаги келишувлар икроси устидан тасвирчан парламент назоратини амалга ошириш билан бирга уларни ҳуқуқий жиҳатдан таъминлашда саъй-ҳаракатларни бirlаштириш лозимлиги қайд этилди.

Учрашув якунида халқаро парламент тузилмалари доирасида бундан кейин ҳам томонлар ташаббусларини ўзаро қўллаб-қувватлашга келишиб олинди.

«Халқ сўзи».



8 декабрь — Ўзбекистон Республикаси Конституцияси қабул қилинган кун

ТАЪЛИМ ВА МУАЛЛИМ ҚАДРИ

янги Уйғониш даврининг узвий халқаси ва таянч устун

Мамлакат тараққиёти ҳақида сўз кетганида, аввало, ёш авлод таълим-тарбияси, уларни баркамол инсон қилиб вояга етказиш масаласи муҳим аҳамиятга эга. Бу олижаноб, шарафли, айни пайтда машаққатли иш эса ўқитувчилар зиммасида.

Бугун юртимизда миллати, тили, динидан қатъи назар, ҳар бир инсон ўз қобиляти ва истеъдодини, билим ва тажрибасини рўёбга чиқара оладиган ижтимоий давлат барпо этилмоқда. Шу мақсадда барча куч ва имкониятлар ёшларнинг интеллектуал ва жисмоний камолоти, уларнинг сифатли таълим олиб, ҳаётда муносиб ўрин эгаллашлари учун сафарбар қилинмоқда.

мизда қўллаб янги боғчалар, мактаб ва олийгоҳлар барпо этилмоқда. Таълим-тарбия ва илм-фан муассасаларининг моддий-техника базаси, кадрлар салоҳияти мустаҳкамланмоқда. Дарслик ва ўқув қўлланмаларининг янги авлоди яратилмоқда. Соҳа ходимларининг машаққатли меҳнатини муносиб қадрлаш ва рағбатлантириш давлатимизнинг доимий эътибор марказида бўлиб келмоқда.

Охири етти йилда мактабгача таълим бўйича қамров даражасини 27 фоиздан 72 фоизга, олий таълимда эса

9 фоиздан 42 фоизга, олийгоҳлар сонини 77 тадан 212 тага етказишга эришилгани соҳадagi ишлар қўлами ва уларнинг натижасини кўрсатиб турибди.

Таълим сифатини ошириш мақсадида бу йил хориждан тақлиф этилган 500 нафар чет тили мутахассиси мактабларда иш бошлади. Келгуси йилларда уларнинг сонини 3 баробар ошириш, 10 ва 11-синфларда қатор фанларни ўқувчиларнинг танлови асосида чуқурлаштириб ўқитишни йўлга қўйиш режалаштирилмоқда.



нинг палата ва қўмиталари раҳбарлари даражасида учрашувлар ўтказиш амалиёти муваффақиятли жорий қилинганини таъкидлади. Қонунчилик палатасининг Россия Федерацияси Федерал Мажлиси Давлат Думаси билан ташкил этилган парламентларо комиссияси икки томонлама алоқаларни янада мустаҳкамлаш ҳамда қонунчилик фаолиятини ташкил қилиш соҳасида тажриба алмашишда муҳим аҳамият касб этаётганини таъкидланди.

Ўз навбатида, Россия Федерацияси Федерал Мажлиси Давлат Думаси вакиллари Ўзбекистон Республикаси Президенти Шавкат

Мирзиёев раҳбарлигида Янги Ўзбекистоннинг тараққиёт стратегияси доирасида амалга ошириляётган ислохотлар жараёнида ижтимоий-иқтисодий ривожланиш, ёшлар тарбияси, гендер тенгликни таъминлаш, оила институтини мустаҳкамлаш, аҳолини ижтимоий ҳимоя қилиш борасида рўй берган ўзгаришларни юксак баҳолади.

Россия парламенти аъзолари икки давлат ўртасидаги парламентларо алоқалар изчил ривожланиб бораётгани икки мамлакатнинг дўстона ва иттифоқчилик муносабатларини мустаҳкамлашга хизмат қилаётганини таъкидлади.

Самимий ва конструктив руҳда ўтган учрашувда томонлар парламентларо ҳамкорликни янада ривожлантириш ҳамда мустаҳкамлашга келишиб олди.

«Халқ сўзи».

ДАВЛАТ БОШҚАРУВИДА ПАРЛАМЕНТ ВАКОЛАТЛАРИ

Кейинги йилларда мамлакатимизда амалга ошириляётган ислохотлар ўз самарасини бераётгани барчага маълум. Хусусан, қисқа муддатда Ўзбекистон дунё учун очик давлатга айланди, натижада нафақат минтақамиздаги, балки бошқа ҳудудлардаги мамлакатлар билан алоқаларимиз сезиларли даражада кучайди. Қолаверса, ҳозирги глобаллашув жараёнлари жамият ҳаётига қатор янгиликларни олиб кирди.

Ана шундай вазиятда мавжуд қонунчилик, аввало, Бош қомусимизни замон талаблари асосида такомиллаштириш вазифаси кун тартибига чиқди. Ўқингизда бўлса, бу ҳақда Президент Шавкат Мирзиёев 2021 йил 6 ноябрь куни, иккинчи президентлик муддатига қиришсини юзасидан инаугурация маросимидagi нутқда биринчи марта айтиб ўтганди. Давлат раҳбари ўша йилги Конституция байрами муносабати билан халққа йўлаган табригида:

“Конституцияни янгилашдек фоят муҳим, стратегик вазифани ҳал этишда етти марта эмас, етмиш марта ўйлаш” зарурлигини алоҳида таъкидлаган эди. Шу тариқа 2022 йил май ойида Конституциявий комиссия тузилиб, ҳужжати янгилаш жараёни бошлаб юборилди.

Ўзбекистоннинг 65 фоизга янгиланган ва анча “тўлишган” Бош қомуси 2023 йил 1 майдан эътиборан кучга кирди.

Ҳўш, ушбу ўзгаришлар нималардан иборат?



БАРҚАРОР РИВОЖЛАНИШ МАҚСАДЛАРИ ВА ПАРЛАМЕНТЛАРАРО МУЛОҚОТ

Пойтахтимиздаги “Ўзбекистон” халқаро анжуманлар саройида Барқарор ривожланиш мақсадларини амалга оширишда парламентларо ҳамкорлик бўйича II глобал форум бўлиб ўтди.

Глобал форум

Унда Парламентларо Иттифоқ Бош қотиби Мартин Чунгонг ва ЕХҲТ Парламент Ассамблеяси Президенти Пиа Каума видео-муурожаат билан иштирок этди, Ўзбекистон Республикаси Олий Мажлиси палаталари аъзолари, МДҲ иштирокчи давлатларининг Парламентларо Ассамблеяси Раиси Валентина Матвиенко, Туркий мамлакатлар Парламент ассамблеяси Бош қотиби Мехмет Сурейя Эр, хорижий мамлакатлар парламентлари раҳбарлари, парламентларо ташкилотлар, Ёшлар парламентла-

ри, давлат органлари, халқаро ташкилотлар, нодавлат нотижорат ташкилотлари, оммавий ахборот воситалари вакиллари ҳамда илмий-тадқиқот муассасалари экспертлари тўғридан-тўғри ҳамда онлайн тарзда қатнашди.

Форум аввалида Ўзбекистон Республикаси Президенти Шавкат Мирзиёевнинг анжуман иштирокчиларига йўллаган муурожаатини Олий Мажлис Сенати Раиси Т. Норбоева ўқиб эшиттирди.



